

BULETIN

PUSAT PENGAJIAN SAINS KIMIA



PROGRAM SISWA LESTARI, SIDANG AKADEMIK 2024/2025 – SESI BERSAMA PUSAT PENGAJIAN SAINS KIMIA



9 Oktober 2024

Program Siswa Lestari bagi Sidang Akademik 2024/2025 telah berlangsung di Pusat Pengajian Sains Kimia (PPS Kimia), Universiti Sains Malaysia yang melibatkan seramai 106 pelajar baru.

TAHNIAH DAN SELAMAT DATANG



Program ini bermula pada jam 9.00 pagi dengan pendaftaran pelajar baru di Dewan Kuliah V (DK V). Para pelajar disambut mesra oleh urusetia pendaftaran yang terdiri daripada staf akademik, staf pentadbiran dan wakil pelajar, serta disediakan kit kelengkapan sebagai persediaan untuk sesi orientasi.



Majlis dimulakan dengan nyanyian lagu kebangsaan, Negaraku, dan lagu rasmi universiti, Menara Ilmu. Seterusnya, sesi bersama pengurusan PPS Kimia berlangsung dengan ucapan aluan oleh Pengerusi Majlis dan bacaan doa oleh wakil ChemSoc. Dekan PPS Kimia turut menyampaikan ucapan dan memperkenalkan staf akademik kepada pelajar-pelajar baru.

Taklimat mengenai pendaftaran kursus dan aktiviti pusat pengajian disampaikan oleh Timbalan Dekan (Akademik, Kerjaya & Antarabangsa), memberikan panduan penting kepada pelajar baru mengenai proses pendaftaran dan pemilihan kursus.

Pada jam 10.40 pagi, para pelajar dibawa ke bangunan PPS Kimia dan belajar berpeluang bertemu Penasihat Akademik (PA) masing-masing untuk mendapatkan nasihat akademik dan menandatangani borang pendaftaran kursus. Selanjutnya, pada jam 12.00 tengahari para pelajar dan staf berkumpul untuk sesi fotografi di hadapan bangunan PPS Kimia.

Program berakhir pada jam 12.30 tengahari dengan penyerahan borang bendaftaran mengikut program pengajian masing-masing. Makanan tengahari disediakan secara pack food untuk semua pelajar dan staf yang terlibat.

Tahniah kepada semua pihak yang terlibat dalam menjayakan program ini, khususnya staf akademik, pentadbiran dan teknikal PPS Kimia serta pelajar ChemSoc yang telah membantu melancarkan acara ini. Kerjasama erat yang ditunjukkan amat dihargai dan diharapkan dapat diteruskan dalam program-program akan datang.

TERIMA KASIH